

TABVLA SECVN- da Asiæ.



IN H A C secunda Asiæ tabula uaria portens
tosa hominum loca insignita sunt, unum tamē, quod
potissimum, & plus cæteris narratu dignum occur-
rit, Barbaræ scilicet mulieres in armis & prælijs egre-
giæ, hæ Amazones uocantur, & insula fluuio undiq̃
circumclusa, plusq̃ 200. milia, absq̃ uiro-
rum consor-
tio habitare solent. Quæ quando cum regina sua uictrices à prælijs
reuertuntur, à uiris suis (qui per se cōmorantur extra insulam) adorā-
tur. Semel autem in anno, causa generandæ prolis, ad maritos exeūt,
reuerſeq̃ si masculum conceperint, ipsum per sex annos nutriūt &
postea patri suo transmittunt. Si uero foeminam, ipsam secum refer-
uant. Itaq̃ quoniam ex frequenti libidinis usu multi spiritus cōsumū-
tur, præfata uirgines, quanto rarius coeunt, tãto fortiores, & ad pu-
gnandū magis idoneæ sunt. In his quoq̃ partibus sunt mulieres ual-
de speciosæ, in quodam flumine calido habitantes, horridas uestes
habētes, armisq̃ argēteis (eo q̃ ferro carent) utētes. De his etiā uide
Plinium libro 6. capite 13. Hodie hæc tota mulierum prodigiosa fa-
bula perijt, à Tartarisq̃ hæc regio penitus colitur.